

醫

註

林

獵

要

霄

鵬

先

生

遺

著

醫林獵要
吳鞠通方歌
陳修園方歌
貽令堂雜俎
與堦遺言

宣統三
年五月
刻成

霄鵬先生遺著敘

從兄霄鵬先生著書滿家率多未就其間林獐要吳
鞠通方歌陳修園方歌貽令堂雜俎與增遺言凡此
五種俱各一卷乃其弟茱棠命子秩南編校而成者
夫先生爲嘉禮童子之師其誨人不倦循循善誘嘉
禮旣親炙而深知矣卽其多文爲富樹德務滋雖終
身固窮不達而人之傾心景仰者亦已遠近交馳此
書一出先生之本真乃可畢見吾知人之愈加景仰
者殆可推諸百世而無疑也顧茱棠之於先生胡爲
勤懇若斯哉蓋先生專心求學家人生產未暇分治

芟棠行商於外得以其間代算銖鎰故先生之愛芟棠與芟棠之敬先生非他人可比其怡怡每見伯氏吹埙仲氏吹簫歲時聚首樂以忘疲先生則教以作人之法與涉世之規取古來嘉言懿行數爲詮解而芟棠孜孜聽受惟恨日晷之速移芟棠得先生陶淑旣克自端趨向而於鄉黨朋友更能當仁不讓見義勇爲先生歿後芟棠念無以報故刊厥遺著冀以永德業之垂其醫籍也簡練以爲揣摩提要以爲津筏不偏不倚堪挽救夫晚近庸醫其雜俎也經史理文繽紛燦列若考據若議論無不取博達而去新奇嘉

禮得次第奉讀不禁手舞足蹈幾如暴富之貧兒吾
知先生學術通明讀書精細文苑中應寄一枝卽茝
棠切念同懷無分存歿以視世間涼薄子奚啻天壤
之判高卑乎嘉禮仰旣翁之兄弟視不朽之文詞爰
述梗概用表遐思

宣統元年三月受業弟嘉禮謹敘

貽令堂醫學三書敘

醫家者流各出偏見以立言其書已汗牛充棟惟南
人重溫病北人重傷寒守師說而不揆病情久若水
火之不相濟自吳氏鞠通著溫病條辨陳氏修園著
十六種書而吾粵醫家多好而偏守之夫好之誠是
也若偏守則誤矣醫理至微詎一家之師說一方之
病情所能包其治法卽以內經而言凡曰某病必死
某脈不治者今人遇之未必盡然也又本草經凡曰
多服不老久服輕身者今人用之未嘗見效也豈古
人之病之藥與後世不同乎抑古人之術尙疏而後

世漸歸精密乎總之泥其文而偏守未有不殺人者
況後出之書也黃霄鵬鄉先生以儒爲醫其性靜其
心通遇症雖難應手而愈自述所長則曰認症真用
藥活溯其所學則徧讀醫籍而能摘要以爲揣摩其
生平注意之書尤以吳陳二家爲最嘗著二家方歌
各一卷以症分類因類括方間參己意變其藥品又
著醫林獵要一卷不求深巧但取簡明採非一家盡
期有用蓋準病情而通師說不欲蹈偏守之魔也世
有欲窮醫秘而苦無涯涘者以此爲津筏則擇術或
不至歧誤歟光緒庚子歲二月里人黃家駿

敘

許世子不嘗藥春秋誅其不孝蓋謂人子事親不可
以不知醫也然人子每不能通習之者彼非不欲盡
事親之道識力限於天庠事奪於人勢有所不能故
付之無可如何而不求甚解耳醫門嚮導素無善法
著書者非高深其說卽鄙倍不可卒讀而後學屢以
爲難豈不重可憫哉任恆素不知醫思事親不可以
無術而欲致其道久愧未能遇有應盡嘗藥之時則
惟取伯父霄鵬公之遺書循道以求功十年來於他
書別無所獲益識力茫塵事牽不足以通習之也而

公所著述喜無高深鄙倍之弊足示後人則其書可
無以傳之乎公在時舉家大小皆賴全活自歸道山
後諸父兄如失左右手有病則徬徨無計恨不能呼
公起於九原或欲研究遺書則又扞格而不知所用
蓋以公天年不永修業未竟淺嘗者讀之莫能倉猝
以求也然則其書又可不爲之注校乎任恆知其然
取而編之得書三種曰醫林獵要曰吳鞠通方歌曰
陳修園方歌其方歌則公所自撰任恆將吳陳原書
以爲注使覽者易明每條必注出處間有公所自注者則以原注二字別之任恆若有疏明之語則以案字冠之其爲公之原文而非歌語者則低一格寫之其方非此書常用而公未撰歌

者亦於每類之其獵要則公輯前人醫說積書盈案
未成而卒而任恆但摘其簡明者編之也嗚呼我公
既往其精神餘緒猶寄簡策以存後人奉而讀之足
以事親與否雖不敢知而任恆爲子嘗藥以來得稍
免夫大過者皆此書是賴則嚮導初學其所資益爲
何如哉

光緒二十五年龍集己亥冬十二月侄任恆識

霄鵬先生佚事

關棣輝

黃霄鵬先生嘗館於吾鄉關氏祠時先生年弱冠因館穀微食無肉惟以糖蒸豬膏脰月必數舉舉祇數錢三四日尚有餒餘時人呼爲膏脰先生名其儉也棣生稍後不獲受業其門然族中長老至今猶有道先生之品學者攷膏脰一物生兩腎間非脂非膏乃命門三焦所發原頤養賴之故謂之脰然則先生不惟節用且善養生矣夫腎苦燥而欲潤久不肉食燥卽易生先生此舉殆消息陰陽之作用歟時先生年少志高非專力於醫而偶用一物已合養生之旨况

經數十年研究其精粹爲何如也棣嘗友教於西瑤
橋邊鍋底飯焦常不忍棄每病便結師先生之法食
輒有效此亦私淑之一端蓋腎司二便一潤而無不
潤矣今讀其書得窺全豹當必有小用小效大用大
效而隨手奏功者因書此以爲讀先生遺著者勸

與族弟勞敬修札

黃貫之將尊甫醫書刻成送我及大兒各一部
取而閱之提要鉤元簡明切當此誠學醫者之
門徑立方者之準繩也循覽之餘敬仰何極丁
未九月初五日兄肇光頓首

與黃菱棠札

賜來令先兄醫書五部謹卽拜登夫醫學不傳
久矣庸妄者昧東西聰明者尙高古懸壺之下
求其平正通達不謬於四聖者戛戛其難令先
兄多採名言不矜己見述而不作足徵謙慎之

心而辨症秘法揭示獨詳聲障重門盡開其鑰
弟學醫頗久閱人亦多不圖見此要書於今世
也亟爲分賜兒女奉作金針他時伊輩稍識衛
生皆是閣下與先德之賜矣謝謝丁未九月弟
高祉元拜上

覆黃秩南札

令先伯霄鵬先生嘗與拙先兄錫田先生同聯
課社故知令先伯獨詳先兄稱其醫理湛深所
藏醫籍不多便造精微可謂讀書得閒今蒙尊
大人寄到令先伯大著敬領披閱覺其選擇得

中蠟要之名不愧其實臟腑配合表包羅無漏
尤屬精良前之耳聞不如今之目見矣拙擬常
置案頭以備不時之需幸煩致意道謝丁未五
月廿四日姨拙黎壽田手覆

許久不見念甚日昨惠送尊伯霄鵬先生醫書
三種此書補前人所未及裨益不淺前得讀稿
本今付之梨棗更屬可傳而先生之粹學爲不
沒矣丁未十月制小弟梁棧華額手

見惠令先伯考霄鵬先生醫學三書薇盥發緘
如獲至寶書中微言奧旨美不勝收直深靈素

之真詮允作枕中之鴻寶且先生殫心著述嘉惠後人閣下雅守杯圈仰承先志兩皆得之森生平喜讀方書而難求善本得此真可作觀摩之秘矣丁未長至日愚小弟徐維森頓首

蒙賜醫學三書一部僕於醫學素未問津惟此統合陳吳二書挾要宣秘不拘家法不囿一隅誠醫門之寶鑑壽世之金丹也謹此鳴謝惟照不宣庚戌八月弟梁任頓首